


劉朝

密 陳

劉朝頓請誅禍首

民國五年七月二十二日劉



具密陳為請誅禍首以謝天下事竊以立國之道宜順人心而安民之方首明賞
罰東西各國無一事不求愜乎民心即無一事不準乎法理考諸中國君主時
代凡振作有為之主皆有功必賞有罪必誅雖偶有操縱其間斷未有神
奸巨蠹聽其逍遙法外而使天下寒心者也辛亥之際民國初成我

大總統以開創之

偉人居

元首之副位坐鎮江漢辛苦經營當與

前孫總統頒定臨時約法時皆經全國參議院議員代表真實民意定為中華

民國印

前袁總統正式就任改修約法而憲法起草會草案仍定為民國莫之或易斯時

國體決定永號共和我四萬萬同胞以為脫離牛馬奴隸之羈絆不復受君主

專制之淫威也迨時閱四年瘡痍未復民命未蘇外交失敗國本動搖當此

內憂外患之紛乘正宜卧薪嘗膽而圖治乃天禍中國籌安會忽焉發生竟謂國體不適於

民主大計宜定於一尊偽造民意背叛共和以同胞組織之國家為一人獨有之私產忍令軒皇神明之胄長為牛馬奴隸之徒離析分崩曾不稍惜此固籌安會諸人推倒約法媚茲一人不顧國民之安危為我四萬萬同胞所疾首痛心欲食其肉而寢其皮不能稍緩須臾者也我

大總統身居

副貳始終反對守正不阿不數月間滇黔起義問罪興師各省英豪同心響應討賊聲威日盈耳鼓籌安領袖仍主力征禍結兵連生民塗炭川骸海血神鬼夜嚎

前總統知誤於奸人取消帝制議和停戰齎志以終籌安不足而籌禍有餘救國不足而亂國有餘斯誠籌安會禍首諸人利慾薰心主張君憲釀成流血大革命使我南北好男兒拋却無數頭顱而為歷史上過去未來絕大傷心之事也今我

大總統遵照約法出任艱鉅組織責任

內閣解決南北問題

鴻謨碩畫溥海同欽舉凡賞罰大典必將次第舉行然迄今月餘而籌安禍首仍
覩顏立世宦海優游未聞明正典刑以謝天下在

政府遠識深謀或待諸異時盡法懲治固非庸身俗目者所能窺測而一般無識
國民皆謂若輩為民國之蟲賊全國之公敵深恐事以過而或變時以延而或生

感痛哭酸心望其速死幾有不共戴天之勢則其所結怨毒殆有不可勝言者矣
昔舜誅四凶而天下服孔子誅少正卯而魯大治舜與孔子豈不知四凶為先朝之舊
老少正卯為魯之聞人哉而誅之不貸者誠以惡跡已著法典所關不誅不足以安
人心也況今之籌安會諸人其性情之惡心術之壞覆國殃民之罪百倍於四凶少正
卯而為數千年歷史所未見者乎我

大總統誠斷之不可不早誅之不可不速也今事後追維詳考其罪狀以我

大總統手造之民國而欲推翻之頒定之約法而欲消滅之置諸新律內亂罪成不誅則叛
民國壞約法之大奸將繼跡於世矣以

前總統為民國正式之

元首被其盡感鬱抑病亡義始利終貽譏千古不誅則無以慰在天之英靈即若輩
亦無以見

故主於地下矣驅南北數十萬甲士捐軀於鎗林彈雨之中同室操戈自相魚肉誰為

禍首痛推心肝不誅則有以懈將士之心而不能作忠義之氣矣戰鬥既開禍延全
局盜賊橫行乘機焚劫巴蜀一境悉為墟一路如此他路可知川省如此他省可知
以莽莽之神洲變為原原之茂草不誅則無以安天下之人而將有瓦解之勢矣
且前此籌安會發生東西友邦提出警告當局不悟遂釀奇災禍國害民莫此
為甚罪大惡極實無可容苟曲予寬宥元惡迭誅抑或待諸國會成立解決斯
案則外無以謝友邦親愛之原情而轉啟其輕視之漸內無以慰全國悲痛之慘

劇而益開人獸法之端也

朝楨

草茅下士管見所及伏願我

大總統為民國紀元執法如山之英雄肅清紀綱大張國憲庶顛覆民國之奸邪無所容
於天壤大快人心也蓋賞罰為御世之大經在君主專制時代失其道則國必亂
而在

民主法治國家失其道則國亦不治至理所在今古同揆然以

大總統建設

鴻業獨著

神謨區區籌安會禍首如楊度梁士詒輩詎不知其神奸巨蠹宜正典刑以謝天下
何勞邀聽之小民曉曉妄瀆惟民國成立言論自由天下興亡匹夫有責愛國情

切緘默難安不避忌諱冒瀆

威嚴無任惶恐待命之至謹呈

大總統鈞座

四川涪陵縣省立第四中學校教習劉朝桓

謹呈

中華民國五年七月十日